



Ioannes honestis parentibus natus, & optimè educatus est. Is cum felici ingenio insignis esset, parentum consilio operam literis dedit, & prima rudimenta egregiè percepit. postea uerò ad uarias academias profectus philosophiæ incubuit, & rerum naturalium magnam sibi notitiã comparauit. Quin etiam studium Mathematices percurrit, & astrorũ atq; syderum uarios effectus didicit. Hisce scientijs tandem etiam Medicinæ studium coniunxit, atque sua diligētia effecit, ut Doctorum insignia adipisceretur. Hanc eruditionē cum Erphordianus amplissimus senatus intellexisset, eum suę urbis Physicum ordinarium constituerũt, atq; etiam Medicinæ protellorem declararũt. Hæc functiones Ioannes magna dexteritate expediuit, & sua eruditione omnibus bonis innotuit. Cum etiam astrorum rationes uaria generi humano portendere uiderentur, ipse sub initium anni 1566 Ephemerides publicauit, atq; quid nobis expectandum sit, uarijs rerum anteaclarum exemplis declarauit. Hoc modo Iacobus Erdphordiæ etiamnum superest, & subinde aliquid meditatur, quò generi mortaliũ prodesse, atq; patriam exornare queat. Anon.